

卷百七七

外徽南蠻

赤土

真臘

羅刹

投和

丹丹

邊斗四國

社薄

卷百七八

內徽南蠻

盤瓠

廩君

板楯

南平

東謝

西趙

卷百七九

南蠻四

滇國

邛都

焦僂

冉駝

附國

昆彌

哀牢

木棉

文面

赤口

卷百八十

西戎一

車師

卷百八十一

西戎二

葱嶺

樓蘭

且末

扞彌

龜茲

判汗

甘棠

多摩長

哥羅舍

松外諸蠻

疎勒

奈

折腰濮

黑契濮

占城

渤泥

赤口濮

于闐

疏勒

迷密

判汗

判汗

火山

無論

波登

烏篤

褥施

訶陵

獠

夜郎

南平

東謝

西趙

哀牢

焦僂

冉駝

附國

西蠻

尾濮

木棉

文面

赤口

赤口濮

于闐

疏勒

迷密

判汗

判汗

太平寰宇記卷之一百七十七

四夷六

南蠻二

徼外南蠻

赤土

真臘

羅刹

投和

丹丹

邊斗四國

社薄

薄頰洲

火山

無論

婆登

烏篤

褥陁洹

訶陵

多農

多摩長

哥羅舍分

松外諸蠻

松筠書館藏

殊奈

甘棠

金利毗逝

驃國

占卑

赤土國

赤土國隋時通焉扶南之別種也直崖州之南渡海水行百餘日便風十餘日經雞籠島至其國所都土色多赤因以爲號王姓瞿曇氏名利富多寒不知有國近遠居僧祇城亦曰師子城有門三重相去各百許步王宮諸屋悉是重閣北面而坐座三重榻衣朝霞布冠金花冠垂雜寶瓔珞王榻後作一木龕以金銀五香木雜鈿之龕後懸一金光焰

遠視之如項後其官有薩陀迦羅一人

女除切

達義二人迦利密迦三人共掌政事俱羅末帝一人掌刑法每城置那邪迦一人鉢帝十人煬帝時募能通絕域者大業時屯田主事常駿虞部主事王君政等應詔駿等自南海郡乘舟晝夜三旬每值便風至焦石山而過東南泊陵伽鉢拔多洲西與林邑相對上有神祠焉又南行至獅子石自是島嶼連接又行二三日西見狼牙修國之山于是南達雞籠島至于赤土之界其王遣婆羅門鳩摩羅以舶三十艘來迎吹蠡擊鼓以樂隋使進金鎖

以纜駿船月餘至其都王遣其子那邪迦請與駿等禮見先遣人送金盤貯香花并鏡鑷金盒貯香油金餅貯香水白疊布四條以擬供使者盥洗其日未時男女百人奏蠡鼓婆羅門二人導路至王宮駿等奉詔書上閣王以下皆坐宣詔訖引駿等入宴王前設兩床其上竝設草葉盤方丈五尺上有黃白紫赤四色之餅牛羊魚鼈猪瑋瑁之肉百餘品延駿升床從者坐于地席及還遣那耶迦隨駿貢方物既入海見綠魚羣飛水上浮海十餘日至林邑東南竝山而行見海水闊千餘步色黃氣腥舟行一日不絕云是大魚糞也循海北岸達于交趾六年還卻到中國焉

四至

東則波羅剌國西則婆羅娑國南則訶羅旦國北距大海地方數千里

土俗物產

其俗皆穿耳翦髮無跪拜之禮以香油塗身俗敬佛尤重婆羅門婦人作髻于項後男女通以朝霞朝雲雜色布爲衣豪富之家恣意華靡唯金鑲非王賜不得服用冬夏常溫雨多霽少種植無時特

以稻稌祭音白豆黑麻白餘物產多同于交趾以甘蔗作酒雜以紫瓜根酒色黃赤味亦香美亦名椰漿爲酒戲有雙陸雞卜冬至之日影直在下夏至之日影在南戶皆北向

### 真臘國

真臘國隋時通焉在林邑西南本扶南之屬國也王姓利利自其祖漸以強盛有戰象五十頭至其王質多斯那遂兼扶南而有之其國王死子伊奢那先代立大業中遣使朝貢居于伊奢那城郭下二萬餘家城中有大堂是其聽政之所大城三十城

有數千家各有部帥官名與林邑國同其王坐五香七寶床上施寶帳以文木爲竿象牙金鈿爲壁床如小屋懸金光焰有同于赤土有五大臣及諸小臣朝者輒于堦下三稽首王喚上堦則跪以兩手抱膊繞王環坐議政事訖跪伏而去其國與參半朱江二國和親數與林邑阇桓二國戰爭王初立之日所有兄弟竝刑殘之或去一指或劓其鼻別處供給不得仕進唐武德六年遣使貢方物貞觀二年又與林邑國俱來朝貢時太宗嘉之賜物甚厚今南方人謂真臘國爲吉蔑國自神龍以後

真臘分爲二半以南近海多陂澤處今謂之水真臘國半以北多山阜處今謂之陸真臘國亦謂之文單國永徽二年貢馴象聖厯初開元五年天寶九載竝遣使來朝貢進犀牛其國分爲水陸二國水真臘國者其境東西南北約皆八百里東至莽陁浪州西至墮羅鉢底國南至小海北至陸真臘國其王所居城號婆羅提拔城國之東界有小城皆謂之國其國甚多象餘所出物產并語言與陸真臘同至元和八年遣使李摩那等來朝貢

#### 四至

去日南郡舟行六十日而至南接車渠國西有朱

#### 江國

#### 土俗物產

其國俗東向開戶國以東爲上人形小而色黑婦人亦有白者悉拳髮垂耳性氣健勁居處器物頗類赤土以右手爲淨左手爲穢飲食多酥酪沙糖粳米餅欲食之時先取雜肉羹與餅相和手搗食之其國北多山阜南有水澤地氣尤熱有婆那娑樹無花葉似柿實似冬瓜菴羅樹花葉似棗實似李毗野樹花似木瓜葉似杏實似楮婆田多樹花

葉實竝似棗而小異歌畢他樹花似林檎葉似榆而厚其實如李其大如升其餘多同九真海中有魚名建同四足無鱗其鼻如象吸水噴高五六十尺有浮胡魚其形似鯤背如鸚鵡有八足多大魚半身出水觀之如山每五六月中毒氣流行卽以白牛白羊于城西門外祠之不然五穀不登六畜多死人眾疾疫東有神名婆多利祭用人肉其王年別殺人以夜祠禱有守衛千人其敬鬼如此多奉佛法尤信道士竝立像于館

### 羅刹國

羅刹國在婆利之東其人朱髮黑身獸牙鷹爪時與林邑人作市輒以夜晝日則自掩其面隋大業三年使常駿等到焉其國出火珠狀如水晶日正午以珠承影取艾依之卽火出唐貞觀四年林邑國來獻云于羅刹國得之或云出師子國

### 投和國

投和國隋時聞焉在南海大洲中真臘之南自廣州西南行百日至其國王姓投和羅名晡邪乞遙所理城覆屋以瓦竝爲閣而居壁皆彩畫之城內皆王宮室城外居人可萬餘家王衛士可百人每臨

朝則衣朝霞布冠金冠耳掛金環頸掛金涎衣足履寶裝皮履官屬有朝請將軍總知國政又有參軍功曹主簿城局金威將軍贊理贊府等官分理文武又有州及郡縣州有參軍郡有金威將軍縣有城局其爲長官初至各選官僚助理政事刑法盜賊多者死輕者穿耳及鼻并鑽鬢私鑄銀錢者截腕國無賦稅俱隨意貢奉無多少之限多以農商爲業國人乘象及馬一國之中馬不過千匹又無鞍轡惟以繩穿頰爲之節制音樂則吹蠡擊鼓死喪則祠祀哭泣又焚尸以罌盛沈于水中若父

母之喪則截髮爲孝其國市六所貿易皆用銀錢小如榆莢有佛道有學校文字與中夏不同訊其耆老云王無姓名齊杖摩其屋以草覆之王所坐塔圓如佛塔金飾之門皆東開坐亦東向唐貞觀中遣使奉表以金函盛之又獻金榼金鎖寶帶犀象海物等十數品

### 丹丹國

丹丹國隋時聞焉在多羅磨羅國西北當振州之東

南

振州今爲崖州也

王姓利利名尸陵伽理所可二萬餘

家亦置州縣以相統領王每晨夕二時臨朝其大



臣八人號曰八座竝以婆羅門爲之王每以香粉塗身冠通天冠掛雜寶瓔珞身衣朝霞足履皮履近則乘輿遠則馭象其攻伐則吹螺擊鼓兼有幡旗其刑法盜賊無多少皆殺之土產金銀白檀蘇方檳榔其穀畜果菜頗類中夏

### 邊斗四國

邊斗國

一云班斗都昆國

一云都君拘利國

一作九雅比嵩國竝隋

時聞焉扶南度金隣大灣南行三千里有此四國其農作與金隣國同其人多白色惟都昆出好篋香藿香及硫黃其藿香樹生千歲根本甚大伐之

四五年木皆朽敗惟中節堅貞芬香獨存取以爲香

### 社薄國

社薄國隋時聞焉在扶南東漲海中直渡海四十日至其國人色白皙皆有衣服土有稻田女子作白疊華布出金銀鐵以金爲錢出雞舌香可含雞舌爲木氣辛而性厲禽獸不能至故未識其樹者花熟自零隨水而出方得之按社薄卽海中大洲之名其上有十餘國城皆稱王不能盡記

### 薄頰洲國

太平寰宇記 卷之一百一十七  
薄頰洲國隋時聞焉在拘利南海灣中其人色黑而  
齒白眼正赤男女竝無衣服一名敦同樊洲抱朴  
子云敦樊洲在南海中薰綠水膠所出如楓脂矣  
所以不可多得者止患狇狇獸狇音吉啖人斯獸  
大者重十斤狀如水獺其頭身及他處了無毛唯  
從鼻上以竟脊至尾上有毛廣一寸許青色長三  
四分許其無毛處則如韋囊人張捕得之斬刺不  
能傷積薪烈火縛以投火中薪盡而此獸不焦須  
以大棒打之皮不傷惟骨都碎盡乃死耳

### 火山國

火山國隋時聞焉去社薄東五千里國中山皆有火  
雖雨不息火中有白鼠扶南土俗傳云火洲在五  
馬洲之東可千餘里春月零雨雨止則火燃洲上  
林木得雨則皮黑得火則皮白諸左右洲人以春  
月採木皮績以爲布卽火浣也或作燈炷又有加  
營國皆社薄國西有山周三百里從四月火生正  
月火滅則草葉落如中國寒時人以三月至此山  
取木皮績爲布同火山所成也

### 無論國

無論國隋時聞焉在扶南西二千餘里其國大道左

右夾種枇杷樹及諸花果行其下恆有重陰十里  
一亭亭有井食麥飯飲葡萄酒酒如膠若飲卽以  
水和之其味甚甘美

### 婆登國

婆登國在林邑南海行二月到東與訶陵西與迷黎  
連接北隣大海風俗與訶陵同稻每月一熟有文  
字書于貝多葉其死者口實以金又以金釧貫于  
四支然後加以婆律膏及檀沈龍腦等香積薪焚  
之唐貞觀二十一年遣使朝貢

### 烏篤國

烏篤國在中天竺南一名烏伏那地方五千餘里百  
姓殷實人性懦弱頗詭詐尤工禁術篤信佛法文  
字禮義畧同天竺自古不通中國唐貞觀中其王  
達摩因陁訶斯遣使獻龍腦香

### 褥陁洹國

褥陁洹國在火羅西北其王姓察失利字婆那其國  
海行五月至廣州土無蠶桑以白疊朝霞布爲衣  
穀有稻麥皆樓居謂之干欄父母死停喪在室輒  
數日不食燔屍之後男女竝剔頭臨池洗浴然後  
進食自古不通中國唐貞觀十八年遣使獻鸚鵡

毛羽皓素頭上有紅毛數十莖與翅齊

### 訶陵國

訶陵國在真臘之南王之所居堅木爲城造大屋重閣覆以棕櫚皮以象牙爲床席之具食則以手掬之又以椰樹花爲酒飲之亦醉有山穴每涌而出鹽國人採以調食唐貞觀二十一年遣使獻金花等物云其國別有毒人與常人同止宿卽令人身上生瘡與之交合便卽致死若涎液霑著草木卽枯其人死不臭不爛元和十年遣使貢僧祇僮及五色鸚鵡

### 多菟國

多菟國唐貞觀中始通焉在南海邊國界周廻可一月行南阻大海西俱遊國北波刺國東真陁洹國戶口極多置三十州不役屬他國有州郭宮殿樓櫓竝用瓦木以十二月爲歲首其物產有金銀銅鐵象牙犀角朝霞朝雲等布其俗交易竝用金銀朝霞等衣服爲賈百姓二十而稅一五穀蔬果與中國不殊

### 多摩長國

多摩長國居南海島中東與婆鳳西與多隆南與半

支跋

華言五山也

北與訶陵等國接其界東西可一月

行南北可二十五日行其王之先祖龍子也名骨利嘗得大鳥卵剖之得一女子容色殊妙卽以爲妻其王尸羅劬傭伊說卽其後也唐顯慶中遣使貢獻其俗無姓名王居以柵爲城板屋坐獅子座仍東向衣服與林邑同勝兵二萬餘無馬有弓刀甲稍婚姻無同姓之別其食器有銅鐵金銀所食尚酥乳酪砂糖石蜜無喪葬之制畜獸頗同中夏音樂畧同天竺有波那婆賤護遮菴磨石榴甘蔗等果從其國經薛盧都思訶盧君那盧林邑等國

方達交州

哥羅舍分國

哥羅舍分國在南海之南接墮和羅國勝兵二萬餘人其王名蒲越伽摩唐顯慶五年其使發本國至龍朔二年五月到京朝貢

松外諸蠻

松外諸蠻唐貞觀末爲寇遣兵從西洱河討之其西洱音貳河從雋州四千五百里其地有數十百部落大者五六百戶小者二三百戶無大君長有數十姓以楊李趙董爲名家各擅山川不相役屬白云

其先本漢人有城郭邨邑弓矢矛鋌言語雖小訛  
舛大畧與中夏同有文字頗解陰陽厯數自夜郎  
滇池以西皆云莊躋之餘種也其俗有盜竊殺人  
淫穢之事酋長卽立一長木爲擊鼓警眾其會其  
下其強盜者眾其殺之若賊家富強但燒其屋奪  
其田業而已

### 土俗物產

其土有稻麥粟豆種穫與中國同而以十二月爲  
歲首菜則葱韭蒜菁果則桃梅李柰有絲麻蠶織  
之事出緇絹絲布幅廣七寸以下蚤蠶正月生二

月熟畜有牛馬猪羊雞犬飯用竹筴搏之而噉羹  
用象杯形若雞彝有船無車男子以氊皮爲衣女  
子緇布爲裙衫仍披氊皮之帔頭髮有髮一盤而  
成形如鬢祖加切男女皆跣至死喪哭泣棺槨襲歛

無不畢備六年之內穿地爲坎殯于舍側止作小  
屋三年而後出葬之蠡畔封棺令其耐濕父母死  
皆斬衰布衣遠者至四五年近者二三年然後卽  
吉其被人殺者喪主以麻結髮而黑其面衣裳不  
緝惟服內不廢婚聘娶妻不避同姓

### 殊奈國

殊奈國崑崙人也在林邑南去交趾海行三月餘日  
習俗與婆羅門同絕遠古未嘗通中國唐貞觀二  
年十月朝貢使至

### 甘棠國

甘棠國在大海之南崑崙人也唐貞觀十年與朱俱  
婆國朝貢使同日至唐史云太宗謂羣臣曰南荒  
西域自遠而至其故何也房玄齡對曰中國乂安  
帝德遐被也太宗曰誠如公言向使中國不安何  
緣而至朕何德以堪之觀此番使懷懼所望卿等  
匡朕不逮也

### 金利毗逝國

金利毗逝國在京西南四萬餘里行經旦旦國摩訶  
新國多隆國者埋國婆樓國多郎婆黃國摩羅逝  
國真臘林邑國乃至廣州東去致物國二千里西  
去赤土國一千五百里南去波利國三千里北去  
柳衢國三千里其國有城邑庭舍衣朝霞白氎音喋  
每食先泥上鋪席而後坐國王名本多揚牙前有  
隊仗甲盔甲用貝多樹皮其風俗物產與真臘同

### 驃國

驃國唐史云貞元八年春正月南詔使來朝驃國王

始遣其弟悉利移來朝華言謂之驃自謂突羅朱  
闍婆人謂之結里掘古未嘗通中國魏晉間有著  
西南異方志及南中八郡志者云永昌古哀牢國  
也傳聞永昌西南三千里有剽國君臣父子長幼  
有序然無見史傳者今其王聞南詔異牟尋歸附  
心慕之乃因南詔重譯遣子朝貢東北距南詔陽  
苴咩城六千八百里凡去上都一萬四千里在永  
昌故郡南二千餘里其國境東西三千里南北三  
千五百里往來通聘者迦羅婆提等二十國役屬  
者道林王等九城食境土者羅君潛等二百九十

八部落東隣真臘國西隣東天竺國南盡溟海北  
通南詔些樂城界其王姓困沒長名摩羅惹其國  
相名摩訶斯那其王近適則輿以金繩床遠適則  
乘象嬪御甚眾侍御常數百人其羅城構以甌臂  
周一百六十里壕岸構以磚相傳本是舍利佛城  
城內有居人數萬家佛寺百餘區其屋宇皆錯以  
金銀渥以丹彩施以紫鑛覆以錦罽其俗好生惡  
殺其土宜菽粟稻梁無麻麥其理無刑名桎梏之  
具犯罪者以竹五本束之撻其背數至五輕者三  
殺人者戮之男女七歲則落髮止寺舍依禁桑門



至二十不悟佛理乃復長髮爲居人其衣服悉以白氎與朝霞繞腰而已不衣繒帛云出于蠶而傷生也又獻其國樂凡十二曲與樂工三十人來朝獻樂曲皆演釋氏經論之詞意二十一年四月封彌臣國嗣王道勿禮爲彌臣國王

占卑國

占卑國唐大中六年十二月占卑國勿邪葛等六人來朝貢方物

太平寰宇記卷之一百七十七終

太平寰宇記卷之一百七十八

四夷七

南蠻三

徼內南蠻

盤瓠

廩君

板楯

南平

東謝

西趙

牂柯

獠

夜郎

徼內南蠻敘

三代之後中國之化極于五嶺自是而西故南蠻之居中國者眾春秋之時楚之羣蠻百濮固常爲患

自秦漢之後漸爲郡縣而黔中武陵夜郎沅中不能無之公孫述時夜郎大姓爲漢保境後漢初從番禺江奉貢建武中武陵蠻率單程大寇郡縣漢將劉尚戰敗數歲方平順帝時武陵太守增其租賦蠻又舉眾反殺鄉吏東晉時沅中蠻因劉石亂後漸徙于陸渾以南遍滿山谷宋齊以後荆雍二州各置校尉以撫寧之羣蠻酋帥互受南北朝封爵至後魏末暴患滋甚僭稱侯王屯居峽路斷絕行旅周武帝遣陸騰大破之其獠初因蜀李勢亂後自蜀漢山谷出侵擾郡縣至梁時州郡每歲伐獠以利公私及後周平梁益白爾遂同華人矣其黔中東謝西趙自古不臣中國貞觀以後置羈縻州以理之

### 盤瓠

盤瓠種昔帝嚳時患犬戎之寇乃訪募天下有能得犬戎之將吳將軍之頭者妻以少女時帝有畜犬名曰盤瓠銜吳將軍之首而至帝乃以女配之盤瓠得女負走入于南山在國之南卽今五溪中山也止石穴中所處險絕生六男六女因自相夫妻織績木皮染以草實好五色衣服裁製皆有尾形衣裳斑斕語

言侏離其後滋蔓號曰蠻夷有邑君長名渠帥曰

精夫相號為媿鳥即反說文曰媿女人稱我也徒所居皆深山重

阻人跡罕到今長沙黔中五溪蠻皆是也一曰辰溪二曰

西溪三曰巫溪四曰武溪五曰沅溪始秦昭王使白起伐楚略取蠻

夷始置黔中郡漢興改為武陵郡今即澧施費播辰錦巫等州地

也歲令大人輸布一匹其小口二丈是為賓布賓才

冬反南蠻賦也雖時為寇盜而郡國討平之後漢建武二

十三年武陵蠻精夫相單程等大寇郡縣遣武威

將軍劉尚發南郡今江陵巴東夷陵地長沙今長沙衡陽巴陵郡也武

陵今澧陽武陵黔中郡地也兵萬餘人乘船泝沅水入武漢擊

之沅水出牂柯故且蘭東北經靈溪長沙巴陵郡入洞庭通江也武溪今在盧溪郡盧溪縣尚

輕敵深入悉為所沒又遣伏波將軍馬援將兵至

臨沅今武陵郡武陵縣即漢臨沅縣擊之破單程單程等饑困乞

降會援病卒謁者宋均為置吏以司之羣蠻遂平

歷章和安順四朝累反叛攻劫郡縣旋討平之永

和初武陵太守上書以蠻夷率服可比漢人增其

租賦議者皆以為可尚書令虞詡獨奏曰自古聖

王不臣異俗非德不能及威不能加知其獸心貪

婪難率以禮是故羈縻而綏撫之附則受而不逆

叛則弃而不追先帝舊典貢賦多少所由來久矣

今猥增之必有怨叛計其所得不償所費帝不從

其冬澧中澧中蠻澧水出今澧陽郡縣澧音婁果爭貢布非舊

約殺鄉吏舉眾反自後至桓靈二帝又累反叛攻

劫州郡討平之蜀先主章武初吳將李異屯巫秭

歸今巴東郡縣秭音子先主遣將軍吳班攻破之于是武陵

五溪蠻夷相率響應今黔中道謂之五溪

四至

按其地長沙西南黔中五溪之地皆為其有至秦

漢立其地為州郡或為內屬

土俗

其民皆射生而食用輸布與朱砂銀

廩君

廩君種不知何代初有巴樊暉音審相鄭五姓皆出于

武落鍾離山在今峽州巴山縣其山有赤黑二穴巴氏之

子生于赤穴四姓之子皆生于黑穴未有君長其

立巴氏子務相是為廩君從夷水下至鹽陽按今峽州

巴山縣清江水一名夷水一名鹽水其源出施州清江縣西都亭山廩君于是居平

夷城四姓皆臣之今巴梁閬諸巴民皆是即巴漢之地按

范曄後漢書云四姓之子未有君長俱事鬼神乃共擲劍于石穴約能中者奉以為君務相乃獨中

之又令各乘土船約能浮者當以為君餘悉沈唯務相獨浮因其立之是為廩君乃乘土船從夷水

下至鹽陽鹽水有神女謂廩君曰此地廣大魚鹽所出願留其居廩君不許鹽神暮輒來宿詰朝即化為蟲與諸蟲羣飛掩蔽日光天地晦冥積十餘日廩君伺其便因射殺之天乃開朗廩君于是居平夷城四姓皆臣之廩君死魂魄化為白虎巴人以虎飲人血故遂以人祠焉是皆怪誕以此不取戰國時秦惠王并巴中以巴氏為蠻夷君長其人

歲出賦二千一十六錢三歲一出義賦千八百錢

其人戶出帙音駕布八丈二尺雞羽三十鏃說文帙南郡蠻

夷布也毛詩四鏃既均儀禮鏃矢一乘鄭立云鏃猶候也候物而射之三十鏃一百二十也漢

興南郡太守靳强奏請一依秦時故事至光武建

武二十三年南郡潯音屠山蠻雷遷等始反叛武威

將軍劉尚討破之徙其種人七千餘口置江夏界

中其後沔中蠻是也漢之江夏郡今竟陵富水安陸齊安漢陽江夏斬春郡地

是和帝永元十三年巫蠻許聖等漢之巫縣今雲安郡巫山縣也

以郡收稅不均反叛發荊州諸郡兵今江陵夷陵澧陽武陵長

沙衡陽等郡也討破之後復徙置江夏靈帝光和三年江

夏蠻復反寇患累年廬江太守陸康討破之皆廩

君之裔也

四至

按始生自武落鍾離山即夷陵屬邑之地後散居

巴梁閒即古荆梁之境五姓雜居大約今為巴峽

巫夔四郡地皆是也

土俗物產

烏羽 帙布 錢刀 俗尚巫鬼而好叛亂

板楯蠻

板楯蠻即秦昭襄王時有一白虎于秦蜀巴漢之境  
傷害千餘人昭王乃募有能殺虎者賞邑萬家時  
有巴郡閬中夷廖种等射殺白虎昭王以其夷不  
欲加封乃刻石盟要復夷人頃田不租十妻不算  
一戶免其一頃田之租雖有十妻不輸口算之錢傷人者勿論殺人得以  
俛錢贖死俛吐濫切蠻人贖罪貨名盟曰秦犯夷輸黃龍一雙  
夷犯秦輸清酒一鍾夷人安之至高帝為漢王發

夷人還伐三秦秦地既定乃遣還巴中復其渠帥  
羅朴督鄂度夕龔七姓不輸租稅餘戶乃歲入錢  
口四十巴人呼賦為賓謂之賓人焉世號為板楯  
蠻夷閬中有渝水其人多居水左右天性勁勇初  
為漢前鋒數陷陣俗喜歌舞喜虛記切高帝命樂人習  
之所謂巴渝舞也遂世世服從至後漢以後郡守

常率以征伐靈帝光和三年巴郡板楯蠻叛今通

山南平涪陵南川清化雲安始寧巴川南賓靈帝

南浦閬中南充安岳盛山等郡地則巴郡也乃問益州計吏考以方略漢中上計程包對曰板  
楯七姓以射殺白虎立功先世復為義人勇猛善

戰昔安帝永初中羌入漢中郡縣破壞得板楯救  
羌死殆盡故號為神兵至桓帝建和二年羌復大  
進實賴板楯連摧破之前車騎將軍馮緄南征武  
陵緄古本切亦得板楯以成其功近益州郡亂太守李  
顒亦以板楯討而平之忠功如此本無惡心但長  
吏鄉亭更賦至重僕役箠楚過奴虜闕廷悠遠不  
能自聞含怨呼天叩心窮谷故邑落相聚以致叛  
戾非有謀主僭號以圖不軌今但遣明能牧守自  
然安集不煩征伐也帝從其言遣太守曹謙宣詔  
赦之即皆降伏及漢末天下亂自巴西之宕渠今符

陽郡也遷于漢中揚車坂抄掠行旅號為揚車巴魏

武克漢中李特祖將五百家歸之魏武又遷于略

陽北復號之為巴氏略陽今天水郡龍城縣也蜀後主禪建興

十一年涪陵屬國人夷反今涪陵郡地涪音浮車騎將軍鄧

芝討平之其沔中蠻至晉時劉石亂後漸得北遷

陸渾以南滿于山谷宋時荊州置南蠻校尉今江陵巴

東夷陵雲安等郡地雍州置寧蠻校尉以領之今襄陽南陽郡地如

蠻人順附者一戶輸穀數斛其餘無雜調宋人賦

役嚴苦貧者不復堪命多逃入蠻蠻無徭役強

者不供官稅結黨連羣動有數百千人伺州郡稍

弱則起為盜宋元嘉中天門今澧陽郡地淩中令宗矯

之徭賦過重蠻不堪命蠻酋田向求等為寇破淩

中虜掠百姓及劉道產善撫諸蠻前後不附官者

莫不順服皆引出平土多緣沔為居道產亡後蠻

又反叛孝武帝出為雍州時巴東今巴東也建平今巴

宜都今夷陵天門四郡蠻為寇諸郡民戶流散百不

存一孝武即位後大明中西陽蠻今弋陽郡也皆反叛

沈慶之率江雍荆河州諸軍討破之江今潯陽郡陽章郡臨川

廬陵等郡地雍已具上荆河今廬江同安郡地是也明帝順帝時尤甚雖遣

攻討之終不能禁荆州為之虛敝齊高帝時武陵

西溪蠻田思飄武帝永明初黔陽蠻田豆渠武陵黔陽

皆今五溪中也湘川蠻陳雙李荅竝寇掠州郡討平之當

南北之時淮汝江漢閒諸蠻渠帥互有所屬皆受

封爵焉然叛服無常雖屢經破敗而寇攘不止至

後周武帝天和元年詔開府陸騰討之蠻眾大潰

斬首萬餘級騰乃積其骸骨于水邏城側為京觀

後蠻蜚望見輒大哭自此狼戾之心輟矣信州舊

理白帝騰更于蜀先主故宮城南八陣之北臨江

岸築城移置信州又以巫縣信陵秭歸今雲安巴東二郡界

也竝是峽中要險于是築城置防以為襟帶焉大



今爲巴閬至歸夔峽之地皆是

### 四至

按後漢書云其在黔中五溪長沙間則爲盤瓠之後其在峽中巴梁間則爲廩君之後其後種眾繁盛侵擾州郡或移徙交雜亦不可得詳別焉

### 土俗物產

按閬中今閬州有渝水其人多居水左右天性勁勇初爲漢前鋒數陷陣俗喜歌舞漢高帝命樂人習之謂之巴渝舞也

### 南平蠻

南平蠻北與涪州接部落四千餘戶山有毒草及沙虱蝮蛇人竝樓居登梯而上號爲干欄其王姓朱氏號爲劍荔王唐貞觀三年遣使入朝以其地隸渝州按卽南詔蠻是也大厯十四年十月吐蕃率南蠻眾十萬來寇一入茂州過文川及灌口一入扶文過方維白坭一入黎雅過邛邲連陷郡縣乃發禁兵四千人并幽州兵五千人同討伐大破之貞元十年三月劍南西川節度使韋皋奏雲南蠻王異牟尋部落兵馬破吐蕃并收鐵橋以來城壘等擒吐蕃列土王五人歸降百姓一十二萬人約

計三萬餘戶大小城一十六所下制付所司管係  
自貞元十九年至太和二年朝貢不絕太和三年  
宰臣杜元穎鎮西川以文儒自高不練戎事南蠻  
乘其無備入寇黎州牧守屢陳皆不之信十月黎  
州陷十一月犯西川驅迫玉帛子女而去即日隣  
境以狀聞奏上大怒貶元穎爲邵州刺史不日又  
貶循州司馬命東川節度使郭釗代之明年春正  
月其王蒙差巔以表自陳請罪兼疏元穎之過失  
國家方事柔遠尋宥其過自後朝貢不絕以至會  
昌年中

### 土俗物產

其人美髮爲椎髻土多女少男爲婚之法女氏必  
先以貨求男族貧人無以嫁女多賣與富人爲婢  
俗皆婦人執役

### 東謝蠻

東謝蠻渠帥姓謝氏南蠻別種在黔州之西數百里  
地方千里有酋長卽謝元深也世襲其子族不育  
女白云高姓不可下嫁唐貞觀三年元深入朝冠  
烏熊皮冠若今之旄頭以金絡額身披毛帔韋皮  
行滕而著履時中書侍郎顏師古奏言昔周武王

天下太平遠國歸旋

應作誠

太史乃集其事爲王會

篇今萬國來朝至如此輩章服實可圖寫今請撰

王會圖詔從之開其地爲應州隸黔中都督府

黔今

中郡所管

又有南謝首領謝疆與西謝蠻隣接與

元深俱來朝拜爲南壽州刺史後改爲莊州是也

貞元十三年西南蕃大首領正議大夫檢校蠻州

長史繼襲蠻州刺史資開郡開國公宋鼎左大首

領朝散大夫前檢校邛州刺史謝汕右大首領朝

散大夫繼襲攝蠻州巴江縣令宋萬傳界首子弟

大首領朝散大夫牂柯錄事參軍謝文經黔中經

略招討觀察使王礎奏前件刺史建中三年一度

來朝賀貢方物自後不令隨例入朝今年懇訴稱

與牂柯同被聲教獨此排擯竊自慚恥謹隨牂柯

等朝賀伏乞特賜優諭兼同牂柯刺史等授官其

牂柯蠻兩州戶口殷盛人力强大隣側諸蕃悉皆

敬憚請比二州每三年一度朝貢仍依牂柯例輸

還差定以才幹位望爲眾所推者充之勅旨宋鼎

已改官訖餘竝依奏

### 四至

南接守宮獠西連夷子北至白蠻

土俗物產

其地宜五穀無文字刻木爲契散則山谷依樹爲巢居無賦稅之事皆自爲生業刀劍不離其身男女椎髻以緋束之後垂向下冠熊皮披猛獸革

西趙蠻

西趙蠻在東謝之南竝南蠻別種其界山洞深阻莫知里數南北十八日行東西二十三日行趙氏代爲酋長有萬餘戶自古不臣中國唐貞觀三年遣使入朝至二十一年以其地置明州以首領趙磨爲刺史

四至

東至夷子西至昆明南至西洱河

土俗物產

同東謝

牂柯

牂柯蠻帥姓謝氏舊臣中國世爲本土牧守隋末大亂遂絕唐貞觀三年其酋領謝龍羽遣使朝貢授牂州刺史封夜郎公勝兵戰士數萬于是列其地爲牂州今爲黔中羈縻州也後爲正郡自開元至會昌以前皆遣使朝貢不絕又有兗州乃牂柯之別部與牂柯隣境有勝兵二萬今亦爲黔中羈

糜州

四至

按其地西至昆明九百里

土俗物產

謝  
土氣鬱熱稻再熟無徭役刻木為契風物多同東

獠

獠蓋南蠻之別種初出自梁益之間自漢中達于邛  
笮川洞之間所在皆有此自漢中西南及越巂俗  
多不辨姓氏又無名字往往推一酋長為主亦不

能遠相統攝父死則子繼若中國之貴族也獠王  
各有鼓角一雙使其子弟自吹擊之按蜀本無獠

李勢時諸獠始出巴西渠川廣漢陽安資中犍為

梓潼今蜀川之內布在山谷十餘萬落攻破郡縣為益

州大患自桓元子破蜀之後力不能制又蜀人東

流山險之地多空獠遂挾山傍谷與夏人參居參

居者頗輸租賦在深山者仍不為編戶至梁武帝

時梁益二州今漢川蜀川二郡縣也歲歲伐獠以自裨潤公

私頗藉為利後魏正始初梁將夏侯道遷舉漢中

附魏魏遣尚書邢巒為梁益二州刺史以鎮之其

後以梁益二州控攝險遠乃立巴州今在清化郡置以統

諸獠後以巴酋帥嚴始興為刺史又立隆城鎮所

綰獠二十萬戶所謂北獠是也歲輸租布魏明帝

孝昌中據城叛梁益二州遣將討之攻陷巴州執

始興斬之後梁入梁自此又屬梁矣後周武帝平

梁達奚武平之益之後尉遲迴平之令所在撫慰其與華人

雜居者亦頗從賦役然天性暴亂旋致擾動每歲

命隨近州鎮出兵討之獲其人以充賤隸謂之壓

獠焉復有商旅往來者亦資以為貨公卿逮于民

庶之家有獠口者多矣然其種類滋蔓保據巖壑

依林走險若履平地性又無知殆同禽獸諸夷之

中最難以道義招懷也

### 四至

初出自梁益之間自漢中達于邛笮川谷之間所

在皆有

### 土俗物產

俗多不辨姓氏又無名字所生男女唯以長幼次

第呼之其丈夫稱阿暮阿段婦人阿夷阿等之類

皆其語之次第稱謂也依樹積木以居其上名曰

干欄干欄大小隨其家口之數好相殺害多仇怨

不敢遠行性同禽獸至于憤怨父子不相避唯手  
有兵刃者先殺之若殺其父走避于外求得一狗  
以謝其母然後敢歸母得狗謝不復嫌恨若報怨  
相攻擊必殺而食之遞相劫掠不避親戚賣猪狗  
而已亾失兒女一哭便止親戚比隣指授相賣被  
賣者啼叫不服逃竄避之乃將買人捕逐若亾叛  
獲便縛之但經縛者即服為賤隸不敢更稱良矣  
惟執楯持戈不識弓矢用竹為簧羣聚鼓之以為  
音節能為細布色至鮮淨大狗一頭買一生口性  
尤畏鬼所殺之人美鬚髯者必剝其面皮籠之于

竹及燥號之曰鬼鼓舞祀之以求福利俗尚淫祀  
至有賣其昆季妻孥盡者乃自賣以供祭焉鑄銅  
為器大口寬腹名銅爨甚薄且輕易于熟食

### 夜郎國

夜郎國

今夜郎播川犍為郡其地是也

漢時南夷君長以十數夜郎

最大在蜀郡徼外東接交趾西隣滇國

今雲南其郡滇國

國臨牂柯江江廣數里出番禺城之下

戰國時楚頃襄王將

莊豪從沅水伐夜郎軍至且蘭椽船于岸而步戰  
攻滅夜郎國因留王滇池以且蘭有椽船牂柯處  
乃改其名為牂柯牂柯繫船棧也武帝時唐蒙上書  
也番禺即今南海郡城南江也

曰竊聞夜郎精兵可得十餘萬浮船牂柯江出不

意此制越一奇也乃拜蒙為郎遂見夜郎侯蒙厚

賜諭以威德夜郎貪漢繒帛以為漢道險終不能

有也乃且聽蒙約還報乃以為犍為郡今犍為陽安仁壽通

義和義資陽發巴巴郡今通川等十蜀卒今蜀郡

皆其地也安臨邛盧山等郡亦曰蜀川治道自犍道指牂柯江蜀人司馬

相如亦言西夷邛笮可置郡今越帝使相如往諭

皆如南夷為置一郡尉十餘縣屬蜀郡當是時巴

蜀四郡漢中廣漢巴郡蜀郡今通西南夷道成轉

相讓古餉數歲道不通士罷餓離罷音疲暑濕死

者甚眾西南夷又數反發兵興擊耗費無功帝患

之使公孫弘往視問焉還言其不便時上方築朔

方據河逐胡弘因數言西南夷為害通西南夷大為損害可

且罷專力事匈奴上罷西夷獨置南夷兩縣一都

尉及元狩元年張騫言使大夏時見蜀布邛竹杖

問所從來曰從東南身毒國即天竺也可數千里得蜀

賈人市或聞邛西可二千里有身毒國于是乃令

王然于柏始昌等閒出西南夷往身毒國至滇道

皆為昆明所閉昆明在今越莫能通身毒及南越

反上使發南夷兵且蘭君小邑乃與其眾反漢發

巴蜀校尉擊破之遂平南夷為牂柯郡今涪州夜郎義泉郡



也夜郎侯始倚南越南越滅恐懼遂入朝封為夜

郎王昭帝始元元年牂柯談指同竝等二十四邑

凡三萬餘人皆反談指同竝後皆為縣屬漢牂柯郡遣水衡都尉

發蜀郡犍為兵擊牂柯大破之後姑繒葉榆人復

反鉤町侯亾波率其人擊之有功漢立亾波為鉤

町王至成帝河平中夜郎王興鉤町王禹漏臥侯

俞漏臥夷邑名後為縣屬牂柯郡更舉兵相攻更古行切牂柯太守請

發兵誅興等漢以道遠不可擊遣大中大夫張匡

持節和解竝不從杜欽說王鳳曰匡使和解蠻夷

王侯不從不憚國威其効可見恐議者選更復守

和解選更怯不前之意選息充切更人充切太守察動靜有變迺以

聞如此則復曠一時曠空也一時三月言空廢一時不早發兵也王侯

得收獵其眾申固其謀黨助眾多各不勝忿必相

殄滅自知罪成狂犯守尉言起狂犯之心而殺守尉也遠藏温

暑毒草之地雖有孫吳將賁育士若入水火往必

焦沒智勇亾所設施屯田守之費不可勝量宜因

其罪惡未成未疑國家加誅陰勅劾郡守尉練士

馬大司農先調穀積要害處調發也要害者在我為要于敵為害調音

徒鈞切選任職太守往以秋涼時入誅其王侯尤不

軌者即以為不毛之地亾用之人聖王不以勞中

國即猶若也不毛宜罷郡放棄其人絕其王侯勿

復通如以先帝所立累世之功不可隳壞亦宜因

其萌芽早斷絕之及已成形然後興師則萬姓被

害矣鳳于是荐陳立為牂柯太守至牂柯及從吏

數十人出行縣召興興將數千人往立數責因斬

興頭出曉其眾皆釋兵降釋解也興子邪務收餘兵

迫脅劊二十二邑反立又擊平之公孫述時大姓

龍傅尹董氏與郡功曹謝暹休境為漢乃遣使從

番禺江奉貢番禺江今南海郡光武嘉之竝加褒賞桓帝

時郡人尹珍乃從汝南許慎應奉受經書學成還

鄉里教授自是南域始有學焉珍官至荊州刺史

### 四至

東接交趾西隣滇國其國臨牂柯江江廣數里出

番禺城下

### 土俗物產

其地多雨潦俗好巫鬼禁忌寡畜產又無蠶桑故

其郡最貧鉤町縣有桄榔木可以為麵百姓資之

也鉤町漢以為縣屬牂柯郡按後漢史云有女遯水子浣于遯水有三

節大竹流于足間剖之得一男兒養之及長自立

為夜郎侯以竹為姓武帝元鼎中置牂柯郡夜郎

侯迎降天子賜其王印綬後遂殺之夷獠咸以竹

太平寰宇記卷之一百一十八  
以問天子乃封其三子為侯死配食其父按擘所  
撰乃引華陽國志又按漢書其夜郎侯降封王不  
言殺之至成帝時猶謂之夜郎王擘焉得云竹王  
被殺後封其子為侯與班文全乖自疑華陽國志  
為怪誕也大抵范擘敘述多稱詭異若無他  
書可以辨證則且因習纂錄不復刊革之也

校勘

南平蠻

按南平蠻當是今南平軍以南部族而南  
詔蠻乃今之雲南相距甚遠唐會要誤合  
為一今記承誤遂以南平蠻土俗并南詔  
言之

太平寰宇記卷之一百七十八終

太平寰宇記卷之一百七十九

四夷八

南蠻四

滇國

邛都

柞都

冉駝

附國

東女

哀牢

焦僥

禪國

西爨

昆彌

尾濮

木綿濮

文面濮

赤口濮

折腰濮

黑棘濮

占城

渤泥

新入

滇國滇音

滇國漢時在夜郎之西靡莫之屬以十數滇最大莫

西南徠始楚頃襄王使將軍莊躑躑楚莊王之苗裔躑居略反

將兵循江上略巴黔以西巴國今清化始寧咸安符陽巴川南濱南浦是

其地也黔躑至滇池方三百里在今雲南郡其澤即黔中也

未更淺狹如倒旁平地肥饒數千里池旁之以兵

威定屬楚欲歸報會秦擊奪楚巴黔中郡道塞不

通因以其眾王滇變服從其俗以長之為其長帥也按史記

及漢書皆云楚威王時使莊躑略巴黔以西躑至

滇池欲歸會秦奪楚巴黔中因以其眾王滇後十

餘歲秦滅又按楚自威王後懷王立三十年至頃

襄王之二十二年秦昭襄王遣兵攻楚取巫黔中

後漢史則云頃襄時莊豪王滇豪即躑也若莊躑

自威王時將兵略地屬楚秦陷巫黔中郡道塞不

通凡經五十二年豈得如此淹久或恐史記誤班

生因習便書范曄所記詳考為正又按莊躑王滇

後十五載頃襄王卒考烈王立二十五年幽王立

十年負芻立五年而楚滅後十五年而秦亡凡七

十載何故云躑之王滇後十至武帝時滇王有眾

餘歲而秦亡斯又未之詳也

數萬元封二年發巴蜀兵臨滇滇王舉國降請置

吏入朝于是以為益州郡今雲南郡也賜滇王王印復

長其人因割牂柯越嶠各數縣以配之後數年并

昆明之地皆以屬之當是時西南夷君長以百數

獨夜郎滇受王印滇小邑也最寵焉後王莽篡位

改漢制貶鉤町王為侯王邯怨恨蠻夷之國盡叛

遣平蠻將軍馮茂發巴蜀犍爲吏士以擊益州出  
入三年疾疫死者什有六七巴蜀騷動更遣寧始  
將軍廉丹大發天水隴西騎士并廣漢巴蜀犍爲  
吏民十萬人轉輸者合二十萬人擊之不克及公  
孫述據有益土文齊爲太守亦固守拒險不降後  
漢初遣使朝貢建武十八年夷渠帥棟蠶與姑復  
葉榆桺棟連然滇池建伶昆明諸蠻叛殺長吏漢  
復縣屬越嶲郡餘六縣並屬益州郡遣武威將軍  
也並在今越嶲雲南郡也桺音弄劉尙等發廣漢犍爲蜀郡人及朱提夷擊之尙軍  
遂渡瀘水入益州郡界瀘水一名若水出旄牛徼外朱提至犍道入江在今

嵩州南時有瘴氣

羣夷聞大兵至皆奔壘奔走尙獲其羸

弱穀畜斬棟蠶帥凡首虜萬餘人諸夷悉平至蜀  
後主建興二年諸葛孔明率兵南征四郡平之改

益州郡爲建寧永昌

今雲南郡地

爲雲南郡又分建寧

牂柯爲興古郡

亮至南中所戰皆捷孟獲者爲夷漢所服募生致之既得使觀于營

陣之間問曰軍如何曰不知虛實故敗定易勝耳乃縱使更戰七縱七擒而亮猶遣獲獲止不去日公天威也南人不復反矣遂至滇池南中平皆留其渠率而用之或以諫亮亮曰若留外人即當留兵兵留則無食一不易也今夷新傷破父母死喪留外人而無兵者必成禍患二不易也又吏累有廢殺之罪自嫌重若留外人終不相信三不易也今吾欲使不留兵不運糧而綱紀粗定夷漢相安也

四至

在巴黔之外為楚之西邊牂柯越巂昆明夜郎之地皆有焉 焚道 滇水

其地 邛都

邛都漢時自滇以北君長十數邛都最大今越巂郡本其地也

武帝開以為邛都縣屬越巂郡無幾而地陷為污

澤因名為邛池南人以為邛河其後復反叛元鼎

六年漢兵自越巂水伐平之巂水源出今越巂郡西南巂山下王

莽時郡守枚根枚根太調邛人長貴以為軍候更

始二年長貴攻殺枚根自立為邛谷王至光武因

就封之授越巂太守印綬後長貴為劉尚所襲徙

其家屬于成都安帝時永昌益州蜀郡夷皆叛結

眾二十餘萬破壞二十餘縣益州刺史張喬乃遣

從事楊竦將兵至葉榆破之渠帥三十六種皆來

降附今為巂州竦因奏長吏奸滑侵犯蠻夷者九十人

皆滅死論

四至

其外西自桐師以東北至葉榆葉榆澤名名為巂昆明

巂即今郡也昆明又地方數千里無君長隨畜遷

徙

土俗物產

自夜郎滇池邛都人皆椎髻左衽邑聚而居知耕田其土地平原有稻田俗多遊蕩而喜謳歌略與牂柯相類豪帥放縱難得制御

柞都國

柞都國漢時自越巂以東北君長以十數柞都最大

武帝開之立為柞都縣元鼎六年以為沈黎郡今漢

元縣也至天漢四年并蜀為西部置兩都尉一居旄

牛主徼外夷一居青衣主漢人旄牛青衣並今蜀郡西地後漢

永平中益州刺史朱輔慷慨有大略宣示漢德威

懷遠夷自汶山以西前代正朔所不加白狼盤木

唐鼓音鄒等百有餘國戶百三十餘萬舉種奉貢稱

臣和帝永元十二年旄牛徼外白狼樓薄蠻夷王

唐繒等遂率種人十七萬口內屬安帝元初元年

蜀郡三襄種夷與徼外汗衍種反叛攻蠶陵城蠶陵

漢縣今翼州地在蜀郡西殺長吏二年青衣道夷邑長令田令姓

田與徼外三種夷三十一萬口舉土內屬後旄牛

夷叛攻零關零關道漢越巂地是益州刺史張喬與西部尉

擊破之于是分置蜀郡屬國都尉領四縣如太守

理之靈帝時以蜀郡屬國為漢嘉郡

土俗物產

其人被髮左衽言語多好譬類居處略與汶山夷

同汶山夷在蜀郡西北即冉駝也

冉駝國

冉駝國漢時祚以東北君長十數冉駝最大武帝元

鼎六年所開以為汶山郡今通化郡地是至宣帝地節三

年夷人以立郡賦重帝乃省并蜀郡為北部都尉

其山有六夷七羌九氏各有部落其王侯頗知文

書後漢靈帝時復分蜀郡北部為汶山郡蜀建興

十年汶山平康夷反姜維討之今為茂州

四至

其俗土著或隨畜遷徙在蜀正西其西又有三河盤于虜北有黃石北虜水胡其表乃為徼外

土俗物產

土氣多寒雖在盛夏冰猶不釋皆因山居止累石

為室高者十餘丈為邛籠彼呼為又土地剛鹵不

生穀粟麻菽唯以麥為資而宜畜牧有旄牛無角

一名童牛肉重千斤毛可為毼出名馬有靈羊可

療毒又有食藥鹿鹿麕有胎者其腸中糞亦療毒

疾又有五角羊



附國

附國者隋代通焉在蜀郡西北二千餘里即漢之西南夷有嘉良夷即其東部所居種姓自相率領不相統一隋大業三年其王遣其弟子宜林率嘉良夷六十人朝貢嘉良有水闊六七十丈附國水闊一百丈竝南流以皮為船而濟又南有薄緣夷風俗亦同西有女國其東北連山綿亙數千里接党項及諸羌界

按其地接汶山故附焉

土俗物產

其人竝無姓氏其地南北八百里東西一千五百

里無城柵近川谷傍山險俗好復仇故壘石為礮而居以避其患其礮與巢同高至十餘丈下至五六丈狀似浮屠于下級開小門從內上通夜必關閉有二萬餘家弓長六尺以竹為弦妻其羣母及嫂兒弟死父兄亦納其妻好歌舞鼓簧吹長笛有死者無服制置尸于高床上沐浴衣服被以牟甲覆以獸皮子孫不哭帶甲舞劍而呼云我父為鬼所取我欲報仇殺鬼其俗以皮為帽形圓如鉢或戴罽羅衣多毛毳全剥牛腳皮為靴項繫鐵鎖手貫鐵釧王與酋帥金為首飾胸前懸一金花徑三寸

其土高氣候涼多風少雨土宜小麥青樛山出金銀多白雉水有嘉魚長四尺而鱗細

### 東女國

東女國西羌之別種也

以西海中有女國故稱東女國

俗以女爲王

東與茂州党項接東南與雅州接界隔羅女蠻及白狼夷有八十餘城王之所居名康延川中有弱水南流用牛皮爲船以渡戶四萬餘眾女王號爲賓就在外官僚竝男夫爲之王死卽于王族求令女立之無篡奪所居皆重起屋王至九重國人至六重王服青色綾裙下領衫其袖委地重婦人輕

丈夫文字同于天竺以十二月爲正每至十一月令巫者賚酒殺詣山中散糟麥于空大咒呼鳥俄有鳥如雞飛入巫者懷中因剖其腹視之有一穀來歲必登若有霜雪必多灾異其俗因之名爲鳥卜唐武德中女王湯滂氏始遣使貢方物自永徽七年至于天寶元年朝貢不絕貞元九年其王湯立悉與哥隣國董臥庭白狗國王羅陀忿逋租國王弟鄧吉知南水國王姪薛尙悉曩弱水國王董辟和悉董國王湯悉贊清遠國王蘇唐磨咄霸國王董藐蓬各率其種落詣劍南西川乞內附其哥

隣等國皆散居西山弱水王卽唐初女國之弱水  
部落其悉董王舊皆分隸邊郡祖父例授將軍中  
郎果毅等官自中原多故皆吐蕃所役屬其部落  
大者不過三二千戶各置縣令十數人理之土有  
絲絮歲輸吐蕃至是立悉與之同盟相率獻款兼  
賚天寶中國家所賜官告三十九道以進節度使  
韋皋處其眾于維霸保等州給以糧種耕牛咸樂  
生業立悉等數國王自來朝召見麟德殿授立悉  
銀青光祿大夫歸化州刺史鄧吉知試太府少卿  
兼丹州長史薛尙悉曩試少府少監兼霸州長史

董臥庭行至綿州卒贈武德州刺史命其子利羅  
爲保寧都督府長史襲哥隣王立悉妹乞悉漫頗  
有才智從其兄來朝封和義郡夫人其大首領董  
臥卿等皆授以官職又授國光兄湯厥銀青光祿  
大夫試太府卿清遠王弟蘇歷巔銀青光祿大夫  
試衛尉卿南國王薛莫庭及湯悉贊董邈蓬女國  
唱後使湯佛庭美王鉢南郎唐竝授銀青光祿大  
夫試太僕卿其時西山松州生羌等二萬餘口相  
繼內附其黏信部落主夢葱龍諾部落主辟葱皆  
授試衛尉卿立悉等竝赴明年元會訖賜以金帛

各遣還至八月召韋皋統押羌蠻及西山八國使  
其部落至今猶代襲刺史等官然亦潛通吐蕃故  
謂之兩面羌也

### 哀牢國

哀牢國後漢通焉其先有婦人名沙壹居于牢山嘗  
捕魚水中觸沈木若有感因妊十月生子男十人  
後沈木化爲龍出水上沙壹忽聞龍語曰若爲我  
生子今悉何在九子見龍皆走獨小子不能去背  
龍而坐龍因舐之其母鳥語謂背爲九謂坐爲隆  
因名曰九隆後牢山下有一夫一婦復生十女子

九隆兄弟因娶以爲妻後漸相滋長種人皆畫其  
身象龍文衣皆著尾九隆死代代相繼乃分置小  
王往往邑居散在溪谷絕域荒外山川阻深生民  
以來未嘗交通中國後漢光武建武中其王賢栗  
等遂率種人戶二千七百七十詣越巂太守鄭鴻  
降求內屬帝封賢栗等爲君長自是歲來朝貢明  
帝永平中哀牢王柳貌遣子率種人內屬其稱邑  
王者七十七人戶五萬一千八百九十西南去洛

陽七千里明帝以其地置哀牢博南二縣

今雲南越巂之

西割益州郡西部都尉所領六縣

後漢六縣謂不韋嵩唐比蘇牒

太平寰宇記 卷之一百七十九  
榆邪龍雲南竝今合為永昌郡即今雲南郡始通博南

山渡蘭倉水

華陽國志云博南縣西山高三十里越之度蘭倉水也

行者莫

不歌曰漢德廣開不賓歷博南越蘭津渡蘭倉為他人後永昌太守鄭純為政清潔化行夷人與哀牢約邑豪歲輸布貫頭衣二領鹽一斛以為常賦夷俗安之唐麟德元年五月于昆明之栢棟川置姚州都督每年募兵五百人鎮守路越山險死者甚眾蜀州刺史張柬之表論其弊曰臣竊按姚州者古哀牢之舊國絕域荒外山高水深自生人以來洎于後漢不與中國交通前漢唐蒙開夜郎滇

祚而哀牢不附至光武季年始請內屬漢置永昌郡以統理之乃收其鹽布氊罽之稅以利中國其國西通大秦南通交趾奇珍異寶進貢歲時不缺先主據有益蜀嘗以甲兵不充及備死諸葛五月渡瀘收其金銀鹽布以益軍儲使張伯岐選其勁兵以增武備故蜀志稱自亮南征之後國以富饒甲兵充足由此言之則前代置郡其利頗深今鹽布之稅不供珍奇之貢不入戈戟之用不實于行伍寶貨之資不輸于大國而空竭府庫驅率平人受役蠻夷肝腦塗地臣竊為國家惜之昔漢以得

利既多歷博南山涉蘭倉水更置博南哀牢二縣  
蜀人愁怨行人作歌曰歷博南越蘭津渡蘭倉爲  
他人蓋譏漢貪珍奇鹽布之利而爲蠻夷之所驅  
役也漢獲其利人且怨歌今減耗國儲費用日廣  
而使陛下之赤子身膏野草骸骨不歸老母幼子  
哀號望祭于千里之外于國家無絲髮之利在百  
姓受終身之酷臣竊爲國家痛之往者諸葛亮破  
南中使其渠率自相統領不置漢官亦不留兵鎮  
守人問其故亮曰置官吏漢雜居猜疑必起留兵  
運糧爲患更重設若反叛勞費更多但粗設紀綱

自然久定臣竊以亮之此策妙得羈縻蠻夷之術  
今姚府所置之官既無安邊靖寇之心又無諸葛  
且縱且擒之技唯知詭謀狡算恣情割剝貪叨劫  
掠積以爲常煽動酋渠遂成朋黨折支諂笑取媚  
蠻夷拜跪趨伏無復慙恥挈提子弟嘯引凶愚聚  
會捕博一擲累萬劍南逋逃中原亾命有二千餘  
戶見散在彼州專以掠奪爲業姚州本龍朔中武  
陵縣主簿石子仁奏置其後長史李孝讓辛文協  
竝爲羣蠻所殺前朝遣郎將趙武貴討擊貴及蜀  
兵應時破敗噍類無遺又使將軍李義總等往征

郎將劉惠基在陣戰死其州遂廢臣竊以諸葛亮  
稱置官留兵有三不易其言遂驗至垂拱四年蠻  
郎將王善寶昆州刺史爨乾福又請置州奏言所  
有課稅自出姚府管內更不勞擾蜀中及置州後  
錄事參軍李陵爲蠻所殺延載中司馬成琛奏請  
于瀘南置鎮七所遣蜀兵防守自此蜀中騷擾于  
今不息且姚府總管五十七州巨猾遊客不可勝  
數國家設官分職本以化俗防奸無恥無厭狼籍  
至此今不問夷夏負罪竝深見道路劫殺不能禁  
止臣恐一旦驚擾爲禍轉大伏乞省罷姚州使隸  
嵩府歲時朝覲同之番國瀘南諸鎮亦皆悉廢于  
瀘北置關百姓自非奉使入番不許交通往來增  
嵩府兵選擇清良宰牧以統理之臣愚將爲穩便  
疏奏則天不允

### 土俗物產

九州記云哀牢人皆僮耳穿鼻其渠帥自謂王者  
耳皆下肩三寸庶人則至肩而已土地沃美宜五  
穀蠶桑知染絲文繡有蘭干細布

蘭干獠言紵也

織成文

章如綾錦有梧桐木葉績以爲布

廣志云梧桐有白者剽國有梧

木其華有白毳取

幅廣五尺潔白不受垢污先以

覆亾人然後服之有濮竹其節相去二丈地出銅

鐵鉛錫金銀光珠琥珀水精琉璃軻蟲蚌珠孔雀

翡翠犀象猩猩貊獸山海經云猩猩知人名常璩

能言取其血可以染朱華陽國志云永昌郡有猩猩

南萬畢術曰婦終知來猩猩荀子曰猩猩能言笑

酈道元注水經云武平郡封溪縣有獸名猩猩也

形人面身毛黃姿顏端正善學人語聞者無不酸楚

楚太原王綱著傳云阮研曾使封溪見邑人說猩猩

酒物等知履里人置之山谷常行路數百為羣見姓

呼曰試共嘗酒及飲乃甘其味逮乎醉皆擒之無遺

自推擇泣而遣之又禮記云猩猩能言廣志云猩猩

代永昌郡即今之雲南郡武平郡即封溪縣按前竝

封略之內若謂其靈而智不因人教而解人語

殊為珍異秦漢以降天下一家即嶺南獻能言鳥

及馴象西域獻汗血馬皆載之史傳以為奇物復

廣異聞聲教遠覃如越裳白雉之類故彰示後代

實則致之固不難也王莽為獨無獻乎獲之以充口

人與語及長不能名六畜猩猩若非靈異自解人

語即須因教方成又不可容易而充庖也是知諸

家所說不加考覈遞相祖述佑以為廣志尤足徵

矣血染朱罽遍問胡商祖述佑以為廣志尤足徵

焦僥國

焦僥國後漢時通焉故後漢書云明帝永平中西南

夷焦僥貢獻是也安帝永初中永昌徼外焦僥種

夷陸類等三千餘口舉種內附獻象牙水牛封牛

其人長三尺穴居善游泳鳥獸皆懼其地草木冬



落夏生

禪國

禪音檀國後漢時通焉和帝永元中其國王雍由調遣譯奉國珍寶和帝賜金印紫綬安帝永寧初復遣使朝貢獻樂及幻人能變化吐火自支解易牛馬頭又善跳丸數乃至十自言我海西人海西卽大秦也禪國西南近大秦明年元會安帝作樂于廷封雍由調爲漢大都尉

西爨國

西爨國南寧之渠帥梁時通焉自云本河東安邑人

七葉祖事晉爲南寧太守屬中國亂遂王蠻夷元帝時南寧州刺史徐文盛徵詣荊州有爨瓚者遂據南寧州地延袤二千餘里俗多華人有震翫統其眾隋開皇初遣使朝貢文帝命韋沖將兵鎮戍置恭協昆三州未幾復叛後遣史萬歲擊之所至皆破至西洱河滇池而還震翫懼入朝文帝誅之諸子沒爲奴唐武德初拜翫子弘達爲昆州刺史令持其父屍歸葬本鄉段綸又遣俞大施至南寧諭之部落歸款三年七月遣使貢方物

昆彌國

昆彌國一名昆明西南夷也在爨之西洱河爲界卽  
葉榆河也其俗與突厥略同相傳與匈奴本是兄  
弟國也漢武帝得其地入益州部其後復絕諸葛  
亮定南中亦所不至唐武德四年嵩州治中吉弘  
偉使南寧因至其國諭之至十二月遣使朝貢其  
使多由黔中南路而至貞觀十九年四月右武侯  
將軍梁建方討蠻降其部落七十二戶十萬九千  
遣使往西河降其首領十人并數十百部落大者  
五六百戶小者三百戶無大君長有數十姓以楊  
李趙董爲名家各擅一州不相統攝自云先本漢  
人有城郭邨邑自夜郎滇池以西皆云莊蹻之餘  
種也其土五穀與中夏同以十二月爲歲首

### 尾濮國

尾濮國一名木濮漢魏以後在興古郡今雲南郡西南一  
千五百里徼外又扶南土俗傳云拘利東有蒲羅  
中人有尾長五六寸其俗食人按其地竝西南蒲  
羅蓋尾濮之地名也

### 土俗物產

其人有尾長三四寸欲坐則先穿地爲穴以安其  
尾折便死居木上能食人又噉其老者人唯識母

太平寰宇記卷之一百一十九  
不識父其俗有賓客殺老以供廚故賓婚有日老者必泣其地有稷及陸稻多鹽并有犀象兵有弓矢甲鎧以赤狻猴皮加垂錫珠翠羽爲冠幘

木綿濮

木綿濮土有木綿樹多葉又生房甚繁房中綿如蠶所作繭其大如椀音拳

文面濮

文面濮其俗劓音讒面而以青蓋之

赤口濮

赤口濮在永昌南其俗折其齒劓其唇使赤又露身

無衣服

折腰濮

折腰濮其俗子皆折其腰

黑熨濮

黑熨濮在永昌西南山居耐勤苦其衣服婦人以一幅布爲裙或以貫頭丈夫以穀皮爲衣其境出白蹄牛犀象琥珀白金桐華布又諸濮之域皆出楛矢爾雅曰南至于濮鉛周書王會篇卜人丹沙注云卜人西南之蠻丹沙所出今按卜人蓋濮人也按諸濮與哀牢地相接故附之

占城國

占城國周朝通焉顯德五年其王釋利因得漫遣其臣蒲訶散等來貢方物中有洒衣薔薇水一十五琉璃瓶言出自西域凡鮮華之衣以此水洒之則不斃而復郁烈其香連歲不歇又進猛火油八十四琉璃瓶是油得水而愈熾彼國凡水戰則用之是日因賜蒲訶散等冠帶衣服繒帛裊褥等有差且言其國在中華西南其地東西七百里南北三千里東暨海西暨雲南國南暨真臘國北暨驩州界東北暨兩浙海程三十日其王因得漫在位已五十五年矣其衣服制度大略與大食國同所乘皆象馬粒食稻米肉食水兕山羊之類獸之奇者有犀牛禽之大者有孔雀所貢表文以貝多葉檢以香木函其言譯之方諭其意云

渤泥國

渤泥國載籍不紀蓋異域多易舊名也皇朝太平興國二年八月其國王向打遣使施弩副使蒲亞利判官哥心等來朝其表非紙類木皮而瑩薄微綠色長數尺而闊寸餘橫軸之僅盈掌握以數小囊重複貯之其文不可識字細而橫其行詔蒙骨以

太平寰宇記 卷之一百七十九  
華言譯之云渤泥國王向打云云因蕃人蒲盧歇  
船到今得引路進貢大片龍腦六十兩米龍腦二  
十兩倉龍腦二十兩龍腦板五片玳瑁殼一個白  
檀香三截玳瑁二千兩牙六株復詢其使者云在  
上都之西南居海中去蛇婆四五十日去三佛齊  
四十日去摩逸三十日去占城與摩逸同帆上之  
日皆以順風爲計不則無限日其國以板爲城城  
中萬餘人其小山州凡一十四國王之屋覆以貝  
多葉民舍覆以草王左右者爲大人坐以繩床出  
入以阮囊卽大布單坐其上而舁之戰爭則用長  
刀以銅鑄爲甲若筒之狀護其腹背土之出者有  
龍腦玳瑁蘇木檳榔丁香烏楠木子民食雞羊與  
魚耕有黃牛水牛無麥有麻與稻無蠶絲衣用古  
貝布布用花織成婚嫁以椰子酒檳榔指環然後  
以古貝布或景刀雜以金而終其禮喪亦有棺殮  
孩孺則燎之成人則以竹爲棚載之弃山中二月  
始耕則祀之凡經七年則不復祀矣凡歲終十二  
月以七日爲節地熱多風雨民最樂必坎鼓吹笛  
擊鈇抵掌歌舞爲樂食無器皿竹編貝多葉爲器  
食畢弃之

校勘

渤泥國 總序

以古貝布或景刀

景刀疑作泉刀然未有所攷證

太平寰宇記卷之一百七十九終

太平寰宇記卷之一百八十

四夷九

西戎一

西戎總述

古西戎之域蓋自古肅州

古月氏國

以南甘

古張掖郡

涼

古武威郡

洮

古臨洮郡 鳳龍茂隆蜀邛

古臨邛郡

雅黎

古沈黎郡

嵩

古越嵩郡

等

州之西竝西夷也昔禹之理平九州聲教所暨西

被于流沙流沙今甘州距長安二十五日里服之

制去王城面二千里之外是為荒服五百里又導

弱水至合黎餘波入于流沙弱水亦今甘州然則

禹之所加功焉蓋今甘之西則在荒服之外矣舜  
放三苗于三危三危在燉煌今沙州古允姓之戎  
所居也夏后相征吠夷犬一曰吠夷七年乃服桀之亂犬  
夷入居邠岐成湯攘夷狄高宗伐鬼方至武乙時  
犬戎寇邊周古公避戎于岐山蓋漸揉于中國矣  
渭南潁首莫不有戎周貞王八年秦厲公滅大荔  
而取其地韓魏稍并伊雒之戎滅之其遺者西走  
踰汧隴中國自是無戎寇及秦昭王滅義渠戎置  
隴西北地上郡始皇平天下西逐諸戎出塞故漢  
初西戎尙微弱景帝時研種羌按說文羌西戎牧羊人也從人從羊

風俗通云本戎之牧羊人也

求徙于狄道安故

今蘭州縣

至漢武帝

時北患匈奴之強因問匈奴降者言月氏王嘗爲  
匈奴所破遁逃恆怨匈奴無與其擊之者武帝因  
令張騫由匈奴中而使月氏爲匈奴所得亾走西  
數十日至大宛傳致大月氏凡十三歲乃還騫所  
至大宛月氏康居大夏及傳聞其旁國五六安息犂軒  
奄蔡烏孫樓蘭條支身毒扞彌于闐初漢通西南夷費多罷之騫言  
大夏東南有身毒國有蜀物去蜀不遠乃復通西  
南夷元狩二年乃命驃騎破匈奴西邊數萬人渾  
邪王降漢卽以其地置張掖酒泉武威燉煌謂之

河西四郡其地勢西北斜出在匈奴之西烏孫之南西羌之東北隔絕西羌與匈奴相連之路所謂斷匈奴右臂于是始築令居塞令音鈴今酒泉列鄯州西北亭障至玉門矣其地南北有大山中央有河東西約六千里南北千餘里東則接漢阨以燉煌界內玉門陽關為隔西則以葱嶺諸國為隣有三十六國其俗大率土著有城郭田畜與烏孫異故始皆役屬匈奴匈奴西邊日逐王領西域賦稅諸國取富給焉其南山東出金城今蘭會河鄯四州是漢金城郡也與漢南山聯焉白玉門陽關出西域有兩路從鄯善

南山北循河西行至莎車為南道西踰葱嶺則出大月氏安息自車師前王庭今西州隨北山循河西行至疏勒為北道北道西踰葱嶺則出大宛康居奄蔡焉自李廣利伐大宛之後西域震懼多遣使來貢獻于是自燉煌西至鹽澤即蒲昌海在今西州北庭界河地是也往往起亭障是為漢提封之域焉其後都尉桑弘羊請田輪臺渠犂以東之地以資邊用竟不成昭帝時乃用弘羊前議以田給使外國者至宣帝時使衛司馬使護鄯善以西數國及破姑師未盡殄分以為車師前後王及山北六國時漢獨護南



道未能盡并北道也神爵三年匈奴日逐王來降  
護鄯善以西使者鄭吉迎之乃因使吉并護北道  
故號曰都護都護之起自吉置矣由是匈奴益弱  
不得近西域于是徙屯田于北胥鞬披莎車之地  
鞬音乾披分也屯田校尉始屬都護都護督察烏孫康居  
諸外國理烏壘城去陽關二千七百三十八里與  
渠犂田官相近土地肥饒于西域爲中故都護理  
焉至元帝時復置戊己二校尉屯田于車師前王  
庭戊己中央鎮伏四方又開渠播種以爲厭勝故曰戊己焉哀平閒自分剖爲  
五十五國凡國自譯長城長君監吏大祿百長千

長都尉且渠當戶將相至侯王皆佩漢印綬凡三  
百七十六人而康居大月氏安息罽賓烏弋之屬  
皆以絕遠不在數中其來貢獻則與相報不督護  
總領也至王莽時四邊亂與中國遂絕竝復役屬  
匈奴按前往西域有二道自元始以後有三道從  
玉門關西出經婁羌婁音而遮切轉西越葱嶺經懸度  
入大月氏爲南道從玉門關西出發都護并迴三  
隴沙北頭經居盧倉從沙西北過龍堆到故樓蘭  
轉西詣龜茲至葱嶺爲中道從玉門關西北出經  
橫坑辟三隴沙及龍堆出五船北到車師界戊己

太平寰宇記 卷之一百八十四  
校尉所理高昌轉西與中道合龜茲爲新道後漢  
永平中匈奴乃脅諸國共寇河西郡縣城門晝閉  
明帝乃命將出征匈奴取伊吾盧地置宜禾都尉  
以屯田遂通西域于闐諸國西域自絕六十五載  
乃復通焉其後班超定西域至于海濱四萬里外  
皆重譯入貢自魏至唐歷代貢獻此皆西域塞外  
之羌夷也其居中國今附之于篇末焉

車師國

後爲高昌

車師前王後王竝漢時通焉前王國一曰前部理交  
河城今交河郡本河州也水分流繞城下故爲號

初漢武帝征和四年遣重合侯馬通將諸國兵其  
圍車師車師王降服後其王烏貴與匈奴爲親教  
匈奴遮漢道通烏孫者宣帝地節二年遣侍郎鄭  
吉校尉司馬憲許吏切將免刑罪人田渠犁積穀欲

以攻車師至秋收穀吉憲發城郭諸國兵擊車師  
攻交河城破之王尙在北石城未得會吉食盡歸  
渠犁田秋收後更往攻石城王乃輕騎奔烏孫吉  
還渠犁及車師益積穀以安西國侵匈奴匈奴單  
于大臣曰車師地肥美近匈奴使漢得之多田積  
穀必害我國不可不爭也遣騎來擊吉吉將田卒

保車師城匈奴圍城數日乃解吉上書言車師去渠犁千餘里閒以河山北近匈奴漢兵在渠犁者勢不能相救願益田卒于是故車師太子軍宿在焉者者立以為王盡徙車師國人令居渠犁遂以車師故地與匈奴車師王得近漢田官與匈奴絕亦安樂親漢其後置戊己校尉屯田車師故地今即交河郡漢取之以置校尉平帝元始中車師後王國有新道出五船北通玉門關往來差近戊己校尉徐普欲開以省道里半避白龍堆之阨車師後王姑句音以道通當為拄置心不便也拄支也言所置立而拄于己故心不便也拄音

竹羽切地又頗與匈奴南將軍地接其後舉國降匈奴是時王莽易匈奴單于璽單于大怒擊北邊而西域亦瓦解焉者國近匈奴先叛殺都護但欽莽不能討西域因絕至後漢和帝永元二年大將軍竇憲破北匈奴車師震懾之涉切前後王各遣子入

侍其後屢叛至安帝延光四年長史班勇擊其後王軍就大破斬之桓帝永興初後部王阿羅多攻圍漢屯田且固城殺傷吏士後部侯炭遮領餘人叛阿羅多詣漢降阿羅多從百餘騎行走北匈奴中漢立後部故王軍就質子卑君為後部王後阿

羅多復從匈奴中來降于是更立阿羅多為王仍將卑君還燉煌以後部人三百帳別屬役之食其稅帳者猶中國之戶數也至魏時賜其王一多離守魏侍中號大都尉晉以交河城為高昌郡蓋因其地高敞人庶昌盛立名或云昔漢武遣兵西討師旅頓敞者因住焉漢時高昌故壘也張軌呂光沮渠蒙遜在河西皆置太守以統之後魏太武帝時其前部王為沮渠無諱所攻遣使上表云不能自全遂捨國東奔三分免一已到焉耆東界思歸天闕幸垂賑救魏使撫慰開焉耆倉給之文成末其地又為蠕蠕所并立闕伯周為王高昌稱王自此始也

闕苦濫切孝文太和五年高車王阿伏至羅殺闕王以燉煌人張孟明為高昌王太和二年孟明為國人所殺立馬儒為王以鞏顧禮麴嘉為左右長史儒又通使後魏請內屬人皆戀土不願東遷相與殺儒立嘉為王麴嘉字靈鳳金城郡榆中人也今郡地既立為王會焉耆為嚙噠所破眾不能自立請主于嘉嘉遣其第二子為焉耆王由是始大益為國人所服其都城周迴一千八百四十步于坐室畫魯哀公問政于孔子之像國內有城十八置四十六鎮官有令尹有交河公有田地公皆其王子也

餘官多同中國大事決之于王小事則世子及二公隨狀斷決平章錄記事訖則除籍書之外無久掌文案官人雖有列位竝無曹府唯每朝集于朝門評議眾事諸城各有戶曹水曹田曹每城遣司馬侍郎相監檢校名爲城令服飾丈夫從胡法婦人略同華夏兵器有弓箭刀楯甲稍文字亦同華夏兼用胡書其國北有赤石山山北七十里有貪汗山夏有積雪此山之北鐵勒界也從武威西北有捷路度沙磧千餘里四面茫然無有蹊徑欲往者不準記唯以人畜骸骨及駝糞爲驗路中或聞

歌哭之聲行人尋之多致凶失蓋魍魎魍魎也故商旅往來多取伊吾路去孝明帝正光中嘉遣使求請五經諸史并請國子助教劉燮以爲博士隋文帝開皇中突厥破其四城有二千人來歸中國嘉孫伯雅立其大母本突厥可汗女其父死突厥令依其俗伯雅不從者久之突厥逼之不得已而從煬帝大業五年伯雅來朝因從擊高麗還尙宗女華容公主八年歸蕃至唐武德七年遣使獻狗雌雄各一高六寸長尺餘性甚慧能牽馬銜燭云本生拂菻

中國有拂菻狗自此始

其後不供職貢貞觀四年

其王文泰來朝文泰伯雅子妻宇文氏卽隋煬帝所賜華容公主也請入宗親詔賜姓李氏封常樂公主其後與西突厥連結諸國朝貢者皆路出高昌文泰稍擁絕之至十三年太宗謂其使曰高昌數年不來朝貢脫略無蕃臣禮今茲歲首萬國來朝而文泰不至我使人至彼文泰云鷹飛于天雉竄于蒿猫遊于堂鼠安于穴各得其所豈不快耶明年當發兵擊爾國十四年八月交河道行軍大總管侯君集平高昌下其郡三縣五城三十二戶八千四十六口一萬七千七百三十馬四千三百

匹太宗欲以其地爲州縣魏徵諫曰未若撫其人而立其子所謂伐罪弔人威德被于遐外爲國之善也今若利其土壤以爲州縣常須千餘兵鎮守數年一易往來交易死者十有三四遣辦衣資離別親戚十年之後隴右空虛陛下終不能得高昌撮粟尺布以助中國所謂散有用而資無用太宗不從以其地爲西州以交河城爲交河縣始昌城爲天山縣田北城爲柳中縣東鎮城爲蒲昌縣高昌城爲高昌縣初西突厥遣其葉護葉護其國官也屯兵于可汗浮圖城與高昌爲影響至是懼而來降以

其地為庭州并置蒲類縣國威既震西域大懼焉  
者王詣諸軍請謁留兵鎮守刻石紀功而還每歲  
調內地更發千人鎮遏焉黃門侍郎褚遂良上疏  
曰臣聞古者哲后必先華夏而後夷狄務廣德化  
不事遐荒是以周宣薄伐至境而止始皇遠塞中  
國分離漢武負文景之聚財玩士馬之餘力始通  
西域將三十年得天馬于宛城採蒲萄于安息而  
海內空竭生人物故所以租至六畜算至舟車因  
之年凶盜賊竝起搜粟都尉桑弘羊復希主意請  
遣士卒遠田輪臺築城以威西域武帝翻然追悔

奔輪臺之野下哀痛之詔人神感悅海內又康向  
使武帝復用弘羊之言天下生靈皆盡矣是以光  
武中興不踰葱嶺孝章即位都護來歸今誅滅高  
昌威加西域收其鯨鯢以為州縣然則王師初發  
之歲河西供役之年飛芻輓粟十室九空數郡蕭  
然五年不復陛下歲遣千餘人遠事屯戍終年離  
別萬里思歸去者資裝自須營辦既賣菽粟傾其  
機杼塗經死亾復在言外兼遣罪人增其防遏彼  
罪人者生放販肆終朝墮業犯禁違公必能擾于  
邊城無益于行陣所遣之內復有逃亾官司捕捉

為國生事設令張掖塵飛酒泉烽舉陛下豈能得  
高昌一人斗粟而及事乎終須發隴右諸州星馳  
電擊由斯而言此河西者乃已腹心彼高昌者他  
人手足豈得靡費中華以事無用書曰不作無益  
害有益此之謂也陛下平頡利于沙塞滅吐渾于  
西海突厥餘眾為立可汗吐渾遺萌更樹君長復  
立高昌非無前例此所謂有罪而誅之既伏而立  
之四海百蠻誰不聞見蠕動懷生畏威感德宜擇  
高昌可立者而立之徵給首領遣還本國負戴漢  
恩長為蕃翰中國不擾既富且寧傳之子孫以貽

永代矣不從

四至

去長安八千一百里戶一千五百西南至都護理  
所一千八百里至焉耆八百里西域長史及戊己  
校尉竝理于此去燉煌十三日行其地東西三百  
里南北五百里四面多大山後王國理務塗谷即  
金蒲城今北庭府蒲類縣去長安八千九百里戶  
六百西南至都護理所一千二百三十餘里北與  
匈奴接

土俗物產



其國亦有毛詩論語孝經歷代史子集學官弟子以相教授雖習讀之而皆爲胡語賦稅則計田輸銀無者輸麻布其刑法風俗婚姻喪葬與華夏小異而大同其人面貌類高麗辮髮垂之于背女子頭髮辮而不垂其地高燥多石磧氣候温煖與益州相似穀麥再熟宜蠶多五果有草名爲羊刺其上生蜜而味甚佳赤鹽如朱白鹽如玉多蒲萄酒俗事天神兼信佛法國中羊馬牧于隱僻以避外寇非貴人不知其所又有草實如繭繭中絲如細纒名爲白疊子國人取織以爲布交市用焉按唐

史葉護馬乳蒲萄一房長二尺子亦極大深紫色

校勘

車師國

總序

高車王阿伏至羅

按後魏書本傳作可至羅今記從通典之文未知孰是

太平寰宇記卷之一百八十終

太平寰宇記卷之一百八十一

四夷十

西戎二

葱嶺羌

扞彌

于闐

判汗

葱嶺羌

樓蘭

龜茲

疏勒

且末

焉耆

迷密

葱嶺羌在燉煌西西域之南山中從嶺羌嶺音而遮反西

至葱嶺有月氏餘種葱茈音紫羌白馬黃牛羌各有

酋豪其黃牛羌種類孕身六月而生南與白馬羌  
隣竝魏時聞焉按梁載言記云媯羌王號去胡來  
王土地十三州志云媯羌國濱帶南山西有葱嶺  
餘種或虜或羌戶口甚多在古不立君臣無相長  
一強則分種爲酋豪弱則爲人附落更相抄暴以  
力爲雄唯殺人償死無他禁令其兵長于山谷短  
于平地不能持久而果於觸突以戰死爲吉利病  
終爲不祥

#### 四至

西至葱嶺數千里北與諸國接不知其道里廣狹

去陽關一千八百里去長安六千三百里

#### 土俗物產

所居無常依隨水草地少五穀以產牧爲業其俗  
氏族無定或以父名母姓爲種號妻後母納媵嫂

媵音離

如北狄之俗故國無鰥寡種類繁熾廣志云

羌與北狄同其人魯鈍饒妻妾多子姓一人生子  
數十或至百人嫁女得高資者聘至百犢女被大  
華氊以爲盛服一狗皮置數十匹甚耐寒苦同之  
禽獸

#### 樓蘭國

樓蘭國在姑羌西北漢時通焉王理扞泥城扞音戶

一千五百七十初漢武因張騫言欲通大宛諸使

者一歲中多至十餘輩樓蘭姑師當道苦之每供給使

者受其勞費故厭之耳攻劫漢使王恢等漢將趙破奴等率

屬國騎謂諸外國屬漢者及郡兵數萬擊之虜樓蘭王遂

破姑師於是列亭障至玉門矣樓蘭既降伏貢獻

匈奴聞發兵擊之於是樓蘭遣一子質匈奴一子

質漢後貳師將軍李廣利擊大宛上詔任文因便

引兵捕樓蘭王將詣闕責之對曰小國在大國閒

不兩屬無以自安願徙國入漢地上直其言遣歸

國樓蘭王死後王立樓蘭國最在東垂近漢當白

龍堆乏水草常主發導負水擔糧送迎漢使又為

吏卒所寇懲艾不便與漢通後復為匈奴反闕居

反數遮殺漢使昭帝遣平樂監傅介子往刺其王

懸首北闕乃立其弟尉屠耆為王更名其國為鄯

善王自請天子曰身在漢久今歸單弱而前王有

子在恐為所殺國中有伊循城其地肥美願漢遣

一將屯田積穀令臣得依其威重於是漢遣司馬

一人吏士四十人田伊循以鎮撫之其後更置都

尉伊循官置始此矣鄯善當漢道衝西通且末且此

太平寰宇記卷之一百八十一  
三  
餘七百二十里自且末以往皆宜五穀土地草木  
畜產及作兵略與漢同自後無聞至後魏太武時  
其國爲沮渠安周所攻其王西奔且末且末役屬  
之西魏大統八年其王兄鄯米率眾內附

四至

東至長安六千一百里西北至車師一千九百里  
西北至安西都護理所一千八百里至山國一千  
三百餘里此國山居故名山國去陽關一千六百里

土俗物產

地沙鹵少田寄田仰穀旁國國出玉多葭葦檉柳

胡桐白草白草者牛馬所嗜也胡桐亦似桐蟲食  
其樹而沫出下流者俗名胡桐淚言似眼淚也可  
以釵金銀人隨畜牧逐水草有牛馬多橐駝能作  
兵與娑羌同釵音翰

且末國

且末國漢時通焉王理且末城其王安末深盤梁武  
普通五年遣使貢獻梁書謂之末國其國西北有  
流沙數百里夏月有熱風爲行旅之患風之欲至  
橐駝先知卽鳴而聚立埋口鼻於沙中人每以爲  
候卽將羶擁蔽口鼻其風迅駛斯須過盡若不防

者必至危斃

四至

去長安六千八百二十里西北至都護治所二千二百五十八里北接尉犁丁零東接白題西接波斯精絕南至小宛可三日行

土俗物產

地有蒲萄諸果土人皆翦髮著氊帽小袖衣爲衫則開頸而縫前多牛羊騾驢

扞彌國

扞彌國漢時通焉王理扞彌城戶三千三百四十後

漢謂其國曰拘彌居窳彌城亦曰窳彌國順帝永建中爲于闐王放前所破殺其王興陽嘉初燉煌太守徐由遣疏勒發兵擊破于闐遂立拘彌王靈帝熹平中又爲于闐所破殺掠殆盡眾纔千口

四至

去長安九千三百里東北至都護理所三千五百五十三里南與渠勒東北與龜茲西北與姑墨接西通于闐四百里

龜茲國

龜茲國一名邱茲又曰屈茨漢時通焉王理延城今

名伊邏盧城都白山之南二百里隋西域圖記云白山一名阿羯

山常有火及烟即是出礪砂處戶七千宣帝時烏孫公主遣女來

至京師學鼓琴龜茲王絳賓請取為妻言得尚漢

外孫為昆弟願與公主女俱入朝元康初遂來朝

賀王及夫人皆賜印綬夫人號稱公主樂漢衣服

制度歸其國治宮室作徼道出入傳呼撞鐘鼓如

漢家儀外國胡人皆曰驢非驢馬非馬若龜茲王

所謂羸也至後漢光武時其王名宏為莎車王賢

所殺滅其族賢使其子則羅為龜茲王國人殺則

羅匈奴立龜茲貴人身毒為王由是屬匈奴魏文

帝初晉武太康中竝遣使朝貢嘗為焉耆所滅後

裔卻復惠懷末中國亂遣使貢方物於張重華至

孝武帝太元七年秦王苻堅遣將呂光率眾討平

之光立其王白純弟震為王而歸獲龜茲樂今名屈茨

自此與中國不通至後魏後周隋竝遣使貢方物

其使云男女皆翦髮垂頭其刑法殺人者死劫賊

則斷臂并刑一足稅賦準地租徵無田者則稅金

銀錢婚姻喪葬風俗與焉耆略同唯氣候少温為

異土多稻粟菽麥饒銅鐵礪砂藍綠雌黃胡粉安

息香良馬犂牛又出細氊氍毹多孔雀羣飛山谷

閒人取養而食音飼之孳乳如雞鶩音木其王家恆有千餘隻云其國西北大山中有如膏者流出如川行數里入地狀如醍醐甚臭服之髮齒已落者能令更生癘人服之皆愈唐貞觀二十年將軍阿史那社爾伐龜茲虜其王而歸立其嗣子素稽爲王今安西都護府所理則龜茲城也今王則震之後也并有漢時姑墨温宿尉頭三國之利

### 四至

東去長安七千五百里南與精絕東南與且末西南與扞彌北與烏孫西與姑墨接能鑄冶俗有城郭東至都護理所烏壘城四百里烏壘戶一百一十與都護同理其南三百里至渠犁城都尉一戶百三十東北與尉犁東南與且末南與精絕接昭帝田輪臺與渠犁地皆相連也東有大河東流號計戍水漢書曰卽黃河也

### 土俗物產

俗有城郭能鑄冶其刑賦風俗略與焉耆同唯氣候少暖爲異土多稻粟菽麥饒銅鐵礪砂藍綠雌黃胡粉安息香良馬細氊氍毹孔雀 烏壘城在國東南五百八十里漢屯田校尉所理

東三百五十里漢都護所理城也

渠犁城

在國東南五百八十里漢屯田校尉所理



城也 水山 赤砂山 白山 隋西域圖云白山一名阿羯山常有火及  
烟卽是礪砂處也 姑墨水 今名越水 龜茲 東川水 在國東

### 焉耆國

焉耆國漢時通焉王理員渠城 員子君切 在白山南七十

里戶四千後漢明帝永平末有戶萬五千與龜茲

共攻沒都護陳睦至和帝永元六年都護班超發

諸國兵討之殺其王超乃立焉耆左侯元孟爲王

安帝時西域皆叛延光中超子勇爲西域長史復

討定之晉武帝太康中其王龍安遣子入侍安夫

人獐胡之女 獐音古邁切 妊娠十二月剖脇生子曰會

立爲世子會少而勇傑安病篤謂會曰我嘗爲龜

茲王白山所辱汝能雪之乃吾子也及會立襲滅

白山遂據其國遣子熙歸本國爲王會有膽氣籌

略遂霸西胡葱嶺以東莫不率服其後張駿遣沙

州刺史楊宣率眾疆理西域宣以部將張植爲前

鋒軍攻其國進屯鐵門未至十餘里熙又率眾先

要之於遮留谷植將至或曰漢祖畏于柏人岑彭

死於岑亾谷爲遮留殆將有伏單騎嘗之果有伏

發植擊敗之進據尉犁熙降於宣呂光僭位熙遣

子入侍至後魏遣成周公萬度歸討之其王鳩尸

畢那眾大潰單騎走入山中度歸進屠其城四鄙  
諸戎皆降伏焉耆爲國斗絕西隅不亂日久獲其  
珍奇異玩殊方詭譎難名之物橐駝牛馬雜畜巨  
萬至後周保定四年其王遣使獻名馬隋大業中  
其王龍突騎支遣使貢方物唐貞觀六年又遣使  
貢方物其王姓龍卽突騎支之後盡併有漢時尉  
犁危須山國三國之地并鄯善之北界

#### 四至

去長安七千三百里西南至都護治所四百里南  
至尉犁百里北與烏孫接東去交河城九百里西  
去龜茲九百里皆沙磧其國近海水多魚鹽蒲葦  
之利四面有大山道險阨易守海水曲入四山之  
內內匝其城三十餘里

#### 土俗物產

其俗丈夫翦髮婦人衣襦著大袴婚姻同華夏兵  
有弓刀甲稍死亾者皆焚而後葬其服制滿七日  
卽除之俗事天神氣候寒土田良沃穀有稻粟菽  
麥畜有駝馬牛羊養蠶不以爲絲惟取綿纈俗尙

蒲萄酒兼愛音樂 激濺山 沙山 遮留谷

激濺藪 結屑水 以上皆焉耆山水之名 尉犁城 在國南一百里

故尉犁國也

危須城

在國東一百里故危須國也

黑山城

在國東南

一百六十六里

樓蘭城

在黑山城東

### 于闐國

于闐國漢時通焉都葱嶺之北二百餘里戶三萬二千風俗物產與龜茲略同後漢建武末莎車王賢強盛攻併于闐徙其主俞林為驪歸王以莎車將軍居德為于闐王明帝永平中居德死後于闐將休莫霸自立為王休莫霸死兄子廣德立後遂滅莎車其國轉盛從精絕西北至疏勒十二國皆服從而鄯善亦始強盛自是南道葱嶺以東來唯此

二國為大後漢魏後魏梁後周隋唐貞觀中竝遣使通焉其王髮不令人見俗曰若見髮年必儉自漢孝武至唐中國詔令書冊符節悉得傳以相付敬以存焉今竝有漢戎盧扞彌渠勒皮山精絕五國之地

### 四至

去長安九千七百里東北至都護治所三千九百里南與婁羌接北與姑墨接東北去龜茲一千四百里東去鄯善一千五百里其國西通皮山國四百里去朱俱波國千里西北至疏勒國一千五百

里

土俗物產

其地多水潦沙石氣候温土良沃宜稻麥蒲萄有  
 水出玉名曰玉河國人善鑄銅器其居曰西山城  
 有屋室市井赫蔬與中國同王所居室加以朱畫  
 其人恭敬相見則跪其跪一膝至地書則以木爲  
 筆札以玉爲印國人得書先戴于首而後開封自  
 高昌以西諸國人多深目高鼻唯此一國貌不甚  
 胡頗類華夏 兩海其國之西水皆流注于西海  
 葱嶺南河或云即黃河也北流七百里入成水 于闐河 略

沙門谷

阿耨達山

在國南據漢書河源出焉按

或云即黃河也北流七百里入成水亦名樹跋河  
 此即與葱嶺南河同入鹽澤或言阿耨達即崑崙  
 山是 卑品故城在國東南故戎盧國也漢書西  
 也

窰彌故城

精絕故城

皮山城

比摩寺

其

西五百里有比摩寺俗云是老子化胡成佛之所  
 初老子至此白日升天與羣胡辭訣言我暫遊天  
 上尋當下生其後出天竺國化爲  
 胡王太子自稱曰佛因立此焉

疏勒國

疏勒國漢時通焉王理疏勒城俗名沙勒城都白山

南百餘里戶一千五百後漢明帝永平中龜茲王

建攻殺疏勒王成自以龜茲左侯兜題爲疏勒王

漢遣軍司馬班超劫縛兜題而立成之兄子忠爲  
疏勒王忠後反叛超擊斬之又耿恭爲戍己校尉  
屯車師後王金蒲城爲匈奴所攻恭引眾入疏勒  
城中乏水穿井十五丈不得水吏士笮馬糞汁而  
飲之恭整衣冠向井再拜爲吏士禱有頃水泉湧  
出乃令吏士揚水以示虜賊遂退元初中疏勒王  
安國死國人共立舅臣磐爲王漸以強盛戶至二  
萬一千永建二年遣使奉貢至靈帝建寧初爲其  
季父和得所殺漢不能禁至後魏孝文末及隋大  
業中皆遣使通焉其人手足皆六指產子非六指

則不育王戴金獅子冠唐貞觀中來朝貢其王姓

裴并有漢時莎車捐毒休循三國之地按杜環經

汗那國在怛羅斯南千餘里東隔山去疏勒二千

餘里西去石國千里戶有數千兵有數萬唐天寶

十年嫁和義公

主于此國中  
四至  
去長安九千三百里東至都護理所二千二百里

南有黃河西帶葱嶺亦名雪山在國西百餘里大河所

出東去龜茲一千五百里西去鏐汗國鏐汗一名

千里當大月氏大宛康居道南去莎車五百里去

朱俱波八九百里隋書云東北去突厥牙帳千餘

在于闐國北一千五百里

土俗物產

土多稻粟甘蔗麥銅鐵綿纈雌黃 葱嶺山一名雪山

烏飛谷 葱嶺北河 烏論水 莎車故城與北

都護理所四千七百四十六里漢書及西域傳皆曰匈奴單于因王莽之亂略有西域唯莎車王延不肯附魏略西域傳云莎車國今并屬疏勒後魏書西域傳云渠莎國理故莎車城也

迷密國

迷密國後魏書西域傳云迷密國都迷密城在者至拔城西去代一萬二千六百里正平元年遣使獻一峯黑橐駝

判汗國

判汗國亦名鑠汗國都葱嶺西五百餘里蓋古之渠搜國也禹貢曰析支渠搜西戎即敘宋膺異物志以為渠搜在疏勒國西西域記云鑠汗國古渠搜國也今按其國在長安西九千六百里王姓昭武字阿利柒其先棄葉為王今則阿利柒之後也唐高宗朝此國人進鑠汗胡戲其後盛為此尋為諫臣拜疏遂罷

土俗物產

土有波羅林林下有毬場又有野鼠滿山谷偏宜

太平寰宇記卷之一百八十一  
蒲萄菴羅果香棗桃李從此國至西海盡居土屋  
衣羊皮疊布男子婦人皆著靴婦人不飾鉛粉以  
青黛塗眼而已

校勘

龜茲國

總序

立其嗣子素稽爲王

按新舊唐書龜茲傳立其王之弟葉護爲  
王今云立其嗣子素稽蓋通典之文未知  
孰是

太平寰宇記卷之一百八十一終

卷之四